



Australian Government



Work Experience: Unpaid Work Experience

Ang Unpaid Work Experience Placement (Pagpupuwesto sa Walang-bayad na Karanasang Pantrabaho) ay isang boluntaryong pagpupuwesto sa isang Punong Abalang Organisasyon na nagbibigay sa iyo ng pagkakataong matamo ang partikular na mga kasanayang pantrabaho at makaranas ng isang kapaligirang katulad ng nagtatrabaho.

Ang Unpaid Work Experience ay makapagbibigay ng pagpupuwesto sa isang partikular na industriya o organisasyon at malamang na sa ibang paraan ay hindi maaaring makuha sa pamamagitan ng ibang mga uri ng mga Gawaing nauukol sa Work Experience, katulad ng Work for the Dole (Trabaho para sa Dole). Ang mga pagpupuwesto ay maaaring umabot nang hanggang apat na linggo.

Ang Unpaid Work Experience Placement ay hindi trabaho, lugar ng pagsasanay o pag-aaprentis at dapat lamang na mangyari kung may posibilidad na ang kahihinatnan ay ang naipagpapatuloy na trabahong may bayad.

Sino ang maaaring lumahok?

Maisasagawa mo lamang ang isang Unpaid Work Experience Placement batay sa pagiging boluntaryo.

Ang mga Unpaid Work Experience Placement ay maaaring makuha ng mga naghahanap ng trabaho na 18 taong gulang o mahigit pa at nasa alinman sa:

- Work Experience Phase of Stream Services (Serbisyo para sa Patuloy na Yugto ng Karanasang Pantrabaho); o
- Disability Employment Network (Ugnayan ng Trabaho para sa May Kapansanan) o isang naghahanap ng trabaho sa Vocational Rehabilitation Service (Serbisyo para sa Rehabilitasyong Pantrabaho).

Ang tagapagbigay-serbisyo ng Job Services Australia (Mga Serbisiyong Pantrabaho ng Australia), miyembro ng Disability Employment Network o tagapagbigay-serbisyo ng Vocational Rehabilitation Service ay makapagpapayo sa iyo kung ikaw ay karapat-dapat para sa isang Unpaid Work Experience Placement.

Paano mag-aplay

Kung ikaw ay interesado sa isang Unpaid Work Experience Placement dapat mo itong talakayin sa iyong tagapagbigay-serbisyo ng Job Services Australia, miyembro ng Disability Employment Network o tagapagbigay-serbisyo ng Vocational Rehabilitation Service.

Ang iyong mga pananagutan

Kung ikaw ay tumatanggap ng Newstart, Youth Allowance (Panustos para sa Kabataan) o Parenting Payment (Kabarayan sa Pagiging Magulang) na may kinakailangang pakikilahok, kakailanganin mong maghanap ng trabaho at makilahok sa mga gawaing makatutulong sa iyo na makakuha ng trabaho.

Isasaalang-alang ng iyong tagapagbigay-serbisyo ng Job Services Australia ang iyong personal na kalagayan at makikipagkasundo para sa naaangkop na mga gawaing isasama sa iyong Employment Pathway Plan (Plano para sa Pagkakaroon ng Trabaho).

Kung hindi mo kayang makilahok sa mga gawain, dapat mo itong talakayin sa iyong tagapagbigay-serbisyo. Kung ikaw ay nabigong tumupad sa iyong napagkasunduang mga gawain, maaaring makaapekto ito sa iyong mga kabayaranang suporta sa kinikita.

Ang iyong karapatan sa pagiging pribado

Ang iyong personal na impormasyon ay protektado ng *Batas sa Pagiging Pribado 1988 (Privacy Act 1988)* at ang impormasyon tungkol sa iyo ay maaaring maging protektado din ng *Batas ng Social Security (Pang-administrasyon) 1999 (Social Security (Administration) Act 1999)* (gaya halimbawa, kung ikaw ay tumatanggap ng suporta sa kinikita). Ang iyong impormasyon ay maaaring ibahagi sa pagitan ng mga tagapagbigay serbisyo ng Job Services Australia, mga miyembro ng Disability Employment Network, mga tagapagbigay serbisyo ng Vocational Rehabilitation Service, Department of Education, Employment and Workplace Relations (DEEWR)(Kagawaran ng Edukasyon, Trabaho at mga Ugnayan sa Lugar Pantrabaho), Centrelink at at iba pang mga kagawaran at ahensiya ng Pamahalaang Australia, upang ang mga organisasyon ay makapagbigay sa iyo ng pinakaangkop na mga serbisyo na tutugon sa iyong mga pangangailangan.

Para sa karagdagang impormasyon tungkol sa iyong pagiging pribado, magtanong sa iyong tagapagbigay serbisyo ng Job Services Australia, miyembro ng Disability Employment Network, tagapagbigay serbisyo ng Vocational Rehabilitation Service, DEEWR o bumisita sa privacy.gov.au.

Ang aming garantiya ng serbisyo para sa iyo

Garantiya ng Serbisyo

Ikaw ay patuloy na tatanggap ng personal na mga serbisyong pantrabaho na hatid ng iyong tagapagbigay-serbisyo ng Job Services Australia. Ang mga serbisyong ito ay naaangkop sa iyong mga kalagayan at pinagmulan. Upang makita ang lahat ng mga Garantiya ng Serbisyo bisitahin ang deewr.gov.au/jobservicesaustralia.

Mga Alituntunin ng Panunungkulan

Ang mga tagapagbigay-serbisyo ng Job Services Australia ay kinontrata upang maghatid ng mga serbisyong pantrabaho na pinondohan ng Pamahalaang Australia at sumang-ayon at nakalaang tumupad sa Mga Alituntunin ng Panunungkulan ng mga Serbisyong Pantrabaho (Employment Services Code of Practice). Upang makita ang Mga Alituntunin ng Panunungkulan bisitahin ang deewr.gov.au/jobservicesaustralia.

Para sa karagdagang impormasyon

Tumawag sa 13 17 64 o bisitahin ang deewr.gov.au/jobservicesaustralia.